

官板

唐六典

三

和装本

74

6447

3



門
號 6447
卷 3

大唐六典尚書工部卷第七

唐 元宗御 撰

集賢院學士兵部尚書兼中書令修國史上柱

國開國公臣李林甫等奉 敕注上

工部尚書一人

侍郎一人

郎中一人

員外郎一人

主事三人

令史十二人



書令史二十一人

計史二人

亭長六人

掌固八人

屯田郎中一人

員外郎一人

主事二人

令史七人

書令史十二人

計史一人

掌固四人

虞部郎中一人

員外郎一人

主事二人

令史四人

書令史九人

掌固四人

水部郎中一人

員外郎一人

主事二人

令史四人

書令史九人

掌固四人

工部尚書一人正三品

周之冬官卿也漢五曹尚書其三日民曹後漢以民曹兼

主繕修工作城池園苑之事自晉宋齊梁陳營宗廟則權置起部尚書事畢省之後周依周官置大司空卿一人隋開皇二年始置工部尚書皇朝因之龍朔二年改爲司平太常伯咸亨元年復爲工部尚書光宅元年改爲冬官尚書神龍元年復故

侍郎一人正四品下

蓋周之冬官小司空中大夫也漢已來尚書侍郎今郎中之任

也後周依周官隋煬帝置工部侍郎皇朝因之龍朔二年改爲司平少常伯咸亨光宅神龍並隨曹改復工部尚書侍郎之職掌天下百工屯田山澤之政令

其屬有四一曰工部二曰屯田三曰虞部四曰水部
尚書侍郎總其職務而奉行其制命凡中外百司之事由於所屬咸質正焉

郎中一人從五品上

蓋周禮大司空屬官下大夫郎中之任也晉宋齊後魏北齊皆

有起部郎中梁陳改置起部侍郎後周置冬官小司空下大夫隋初爲工部侍郎煬帝除侍字又改工部爲起部皇朝因之武德三年改爲工部郎中龍朔三年改爲司平大夫咸亨元年復爲工部郎中光宅神龍並隨曹改復

員外郎一人從六品上

後周依周禮置小司空上士蓋員外郎任也隋開皇六年

置工部員外郎煬帝改爲起部承務郎皇朝改爲工部員外郎龍朔二年改爲司平員外郎咸亨光宅神龍並隨曹改復

唐書

卷之...

三

主事三人從九品上

郎中員外郎掌經營興造之衆務凡城池之修濬土

木之繕葺工匠之程式咸經度之京城左河華右隴

坻前終南後九畷南面三門中曰明德左曰啟夏右

曰安化東面三門中曰春明北曰通化南曰延興西

面三門中曰金光北曰開遠南曰延平今京城隋文帝開皇二年

六月詔左僕射高穎所置南直終南山子午谷北據渭水東臨澧川西次澧水太子左庶子宇文愷創制

規謀將作大匠劉龍工部尚書賀婁子幹太府少卿高龍又並充檢校至三年三月移入新都焉名曰大

興城東西十八里一百一十五步南北十五里一百

七十五步牆高一丈八尺皇城之南東西十坊南北

九坊皇城之東西各一十二坊兩市居四坊之地凡

一百一十坊開元十四年又取東面兩坊爲興慶宮

皇城在京城之中

東西五里一百一十五步南北三里一百四十步今謂之子城南

面三門中曰朱雀左曰安上右曰含光

朱雀門正南當明德門正

北當承天門外橫街正東直春明門正西直金光門

東面二門北曰延喜南曰

景風

延喜門則承天門外橫街東直通化門

西面二門北曰安福南曰

順義

安福門西直開遠門

其中左宗廟

在安上門內之東右社稷

在含光門內之西百僚廨署列乎其間凡省六寺九臺一監四衛

十有八

六省謂尚書中書門下祕書殿中內侍省九寺謂太常宗正司農太府鴻臚衛尉光祿太

僕大理寺一臺謂御史臺四監謂少府將作國子都

水監十八衛謂左右衛左右衛左右金吾衛左右驍衛左右

武衛左右威衛左右領軍衛左右監門衛左右千牛

衛左右羽林軍衛今按中書門下凡有三所並在宮

城之內國子監在皇城之南左右金吾衛在東宮官

皇城之東西左右羽林軍在元武門之北

屬凡府一坊三寺三率府十一府謂詹事府三坊謂左右春坊內坊三寺謂

家令率更僕寺十率府謂左右衛率府左右清道率府左右司禦率府左右內率府左右監門率府宮

城在皇城之北南面三門中曰承天東曰長樂西曰

永安承天門隋開皇二年作初曰廣陽門仁壽元年改曰昭陽門武德元年改曰順天門神龍元年

改曰承天門若元正冬至大陳設燕會赦過宥罪除舊布

新受萬國之朝貢四夷之賓客則御承天門以聽政

蓋古之其北曰太極門其內曰太極殿朔望則坐而

視朝焉蓋古之中朝也隋曰大興門大興殿煬帝改曰太極殿貞觀八年改曰太極門武德元年

改曰太極殿有東上西上二閣次北曰朱明門左曰

虔化門右曰肅章門肅章之西曰暉政門虔化之東

曰武德西門其內有武德殿有延恩殿又北曰兩儀門其內曰兩

儀殿常日聽朝而視事焉蓋古之內朝也隋曰中華殿貞觀五年改為兩儀殿

承天門之東曰長樂門北入恭禮門又北入虔化門則宮內也承天門之西曰廣運門永安門北入安仁門又北入肅章門則宮內也兩儀殿之東曰萬春殿西曰千秋殿

兩儀之左曰獻春門右曰宜秋門宜秋之右曰百福

門其內曰百福殿百福之西曰承慶門內曰承慶殿

獻春之左曰立政門其內曰立政殿立政之東曰大

吉門其內曰大吉殿兩儀之北曰甘露門其內曰甘

露殿左曰神龍門其內曰神龍殿右曰安仁門其內

曰安仁殿又有興仁宣猷崇道惠訓昭德安禮正禮宣光通福光昭嘉猷華光暉儀壽安綏福

宣光通福光昭嘉猷華光暉儀壽安綏福

等門薰風就日翔鳳咸池臨昭望大明宮在禁苑之

東南西接宮城之東北隅龍朔二年高宗以此置宮南面

五門正南曰丹鳳門東曰望僊門次曰延政門西曰

建福門次曰興安門南當皇城之啟夏門舊京城入苑之北門開皇三年開餘四門

並與宮同置丹鳳門內正殿曰含元殿殿即龍首山之東

地四十餘尺南去丹鳳門四百餘步東夾殿兩閣左

曰翔鸞閣右曰棲鳳閣與殿飛廊相接夾殿東有通

堂肺石登聞鼓其北曰宣政門門外東廊曰齊德門

西廊曰興禮門內曰宣政殿殿前東廊曰日華門門

東門下省省東南北街南直含耀門出昭訓門宣政

殿前西廊曰月華門門西中書省省西南北街南直

昭慶門出光範門宣政之左曰東上閣右曰西上閣

次西曰延英門其內之左曰延英殿右曰含象殿宣

政北曰紫宸門其內曰紫宸殿即內朝殿之南面紫

宸門左曰崇明門右曰光順門殿之東曰左銀臺門

西曰右銀臺門次北曰九僊門殿之北面曰元武門

左曰銀漢門右曰青霄門其內又有麟德凝霜承歡

蓬萊含涼珠境三清含冰冰香紫蘭等殿元武興慶

明儀大角等觀鬱儀結隣承雲修文等閣也

宮在皇城之東南東距外郭城東垣即今上龍潛舊

自離宮至十四年又取永嘉勝業坊之半以置朝宮

之西曰興慶門其內曰興慶殿即正衙殿有龍池殿次南曰金

明門門內之北曰大同門其內曰大同殿宮之南曰

通陽門北入曰明光門其內曰龍堂通陽之西曰花

萼樓樓西即寧王第故取詩人棠棣之義以名樓焉樓西曰明義門其內曰

長慶殿宮之北曰躍龍門其內左曰芳苑門右曰麗

苑門南走龍池曰瀛洲門內曰南薰殿瀛洲之左曰

僊雲門北曰新射殿又有同光承雲初陽飛軒玉華等門飛僊交泰同光榮光等殿

初上居此第其里名協聖諱所居宅之東有舊井忽

涌為小池周袤纔數尺常有雲氣或見黃龍出其中

至景龍中潛復出水其沼浸廣時即連合為一未半

歲而里中人悉移居遂鴻洞為龍池焉蓋符命之先

也禁苑在大內宮城之北北臨渭水東拒滻川西盡

故都城其周一百禽獸蔬果莫不毓焉若祠禴蒸嘗

四時之薦蠻夷戎狄九賓之享則蒐狩以為儲供焉

東都城左成皋右函谷前伊闕後邙山南面三門中

曰定鼎左曰長夏右曰厚載東面三門中曰建春南

曰永通北曰上東北面二門東曰安喜西曰徽安都城

隋煬帝大業元年詔左僕射楊素右庶子宇文愷移

故都創造也南直洛水之口北倚邙山之塞東出灑

水之東西出澗水之西洛水貫都有河漢之象焉東

去故都十八里煬帝既好奢靡愷又多奇巧遂作重

樓曲閣連闈洞房綺繡瑰奇窮巧極麗大業末喪亂

為王充所據武德五年平充乃詔焚乾陽殿及建國

門廢東都以為洛州總管府尋以宮城倉庫猶在乃

置陝東道大行臺武德九年復為洛州都督府貞觀

六年改為洛陽宮十二年車駕始幸洛陽明慶元年

復置為東都龍朔中詔司農少卿田仁注隨事修葺

後又命司農少卿韋機更加營造永昌中遂改為神
 都漸加營構宮室百司市里郭郭於是備矣東面十
 五里二百一十步南面十五里七十步西面連苑距
 上陽宮七里北面距徽安門七里郭郭南廣北狹凡
 二百三坊三市居其中焉開元十二年廢西連禁苑
 西市取厚載門之西一坊地及西市入苑西連禁苑
 苑西四門南曰迎秋次曰遊義次曰籠烟北曰雲門
 皇城在都城之西北隅南面三門中曰端門左曰左
 掖門右曰右掖門東面一門曰賓耀西面二門南曰
 麗景北曰宣耀東城在皇城之東東曰宣仁門南曰
 承福門皇城在東城之內百僚解署如京城之制皇
 宮在皇城之北東西四里一百八十八步南北二里八
 十五步周回十三里二百四十一步
 南面三門中曰應天左曰興教右曰光政應天門端
 門若西京

承天

其內曰乾元門

若西京之太極門東廊有左
延福門西廊有右延福門

興

教之內曰會昌其北曰章善光政之內曰廣運其北

曰明福乾元之左曰萬春右曰千秋其內曰乾元殿

則明堂也證聖元年營造上圖下方八窗
四闔高三百尺元正冬至有時而御焉

殿之左曰

春暉門右曰秋澄門北曰燭龍門明福之東曰武成

門其內曰武成殿明福之西曰崇賢門其內曰集賢

殿武成之北曰仁壽殿集賢之北曰僊居殿其東曰

億歲殿又東曰同明殿

其內又有觀禮歸義收成光
慶等門延祥延壽觀文六合

等殿宜春僊居迎
祥六合等院也

其西北出曰洛城門其內曰德昌

殿北曰儀鸞殿德昌南出曰延慶門又南曰韶暉門

西南曰洛城南門其內曰洛城殿又北曰飲羽殿洛城

南門之西有麗景夾城上陽宮在皇城之西南苑之

自此潛通於上陽焉也南臨洛水西拒穀水東面即皇城右掖門之東面

南上元中營造高宗晚年常居此宮以聽政焉東面

三門南曰提象門即正衙門北曰星躔門提象門內曰觀

風門南曰浴日樓北曰七寶閣其內曰觀風殿殿東

內又有麗春臺其西則有西上陽宮兩宮夾殿水虹

耀掌亭九州亭北曰化成院西南曰甘露殿殿東曰雙曜亭又西曰

麟趾殿東曰神和亭西曰洞元堂觀風之西曰本枝

院又西曰麗春殿東曰含蓮亭西曰芙蓉亭又西曰

宜男亭北曰芬芳門其內曰芬芳殿又有露菊亭互

春妃嬪僊杼冰

井等院散宮之南面曰僊洛門又西曰通僊門並在

布其內其內曰甘湯院次北東上曰玉京門門內北曰金闕

門南曰泰初門玉京之西曰客省院蔭殿翰林院又

西曰上陽宮宮西曰含露門玉京西北出曰僊桃門

又西曰壽昌門門北出曰元武門門內之東曰飛龍

廐禁苑在皇都之西北拒北邙西至孝水南帶洛水

支渠穀洛二水會於其間東面十七里南面二十九

里周廻一百二十六里中有合璧冷泉高山龍鱗翠

微宿羽明德望春青城黃女陵波十有一宮芳樹金

谷二亭凝璧之池開元二十四年上以為穀洛二水

或泛溢疲費人功遂救河南尹李適之出內庫和顧

修三陂以禦之一曰積翠二曰月陂京都之制備焉

三曰上陽爾後二水無力役之患也

唐六典 卷七

凡興建修築材木工匠則下少府將作以供其事少府監匠一萬九千八百五十人將作監匠一萬五千人散出諸州皆取材力強壯技能工巧者不得隱巧補拙避重就輕其驅役不盡及別有和顧者徵資市關貨納於少府將作監其巧手供內者不得納資有闕則先補工巧業作之子弟一人工匠後不得別入諸色其和顧鑄匠有名解鑄者則補正工凡計功程者夏三月與秋七月為長功冬三月與春正月為短功春之二月三月秋之八月九月為中功其役功則依戶部式

屯田郎中一人從五品上

漢尚書郎四人其一入主戶口墾田蓋兼屯田之任

也故汜勝之為侍郎教田三輔是也魏有農部郎曹晉始置屯田郎中東晉及宋齊並左民郎中兼知屯田事後魏北齊並置屯田郎中梁陳隋並為侍郎亦郎中之任也煬帝曰屯田郎後魏北齊祠部尚書領屯田陳左戶部尚書領屯田隋則工部尚書領之皇朝因之稱郎中龍朔二年改為司田大夫咸亨元年

復故

員外郎一人從六品上

隋開皇六年置煬帝改曰承務郎武德三年改曰員外郎

龍朔咸亨
隨曹改復

主事二人從九品上

屯田郎中員外郎掌天下屯田之政令凡軍州邊防

鎮守轉運不給則設屯田以益軍儲其水陸腴瘠播

植地宜功庸煩省收率等級咸取決焉諸屯分田役

力各有程數凡營稻一項將軍功九百四十八日禾

豆一百九十六日鳥麻一百九十一日麻四百八十
九日稌黍一百八十八日麥一百七十七日蕎麥一百
六十六日藍五百七十日蒜七百二十日葱一千一百
五十六日瓜八百一十八日蔓菁七百二十八日苜蓿

凡天下諸侯太子右春坊各五項太子左

右衛率府太史局各四項宗

正寺左右千牛衛太子僕寺左右司禦率府左右清

道率府左右監門率府各三項內坊左右內率府率

更寺各三項其有管署局皆視其品命而審其分給

虞部郎中一人從五品上周禮地官有山虞澤虞蓋

虞部之職也魏始有虞曹

郎中一人晉因之宋齊省梁陳為侍郎後魏北齊並

有虞曹郎中後周冬官有虞部下大夫一人隋虞部

侍郎煬帝但曰虞部郎梁陳後魏北齊並祠部尚書

領之隋工部尚書領之皇朝因焉武德三年加中字

龍朔二年改為司虞

大夫咸亨元年復故

員外郎一人從六品上後周依周官有山虞澤虞中

士蓋今虞部員外郎之任也

隋開皇六年置煬帝改曰承務郎皇朝復

改為虞部員外郎龍朔咸亨隨曹改復

虞部郎中員外郎掌天下虞衡山澤之事而辨其時

禁凡採捕畋獵必以其時冬春之交水蠱孕育捕魚

之器不施川澤春夏之交陸禽孕育餘獸之藥不入

原野夏苗之盛不得蹂藉秋實之登不得焚燎若虎

豹豺狼之害則不拘其時聽為檻穽獲則賞之大小

有差諸有猛獸處聽作檻穽射窠等得即於官每一

賞絹四疋殺豹及狼每一賞絹一疋若在牧監

內獲豹亦每一賞凡京兆河南二都其近為四郊三

百里皆不得弋獵採捕每年五月正月九凡五嶽及

名山能蘊靈產異興雲致雨有利於人者皆禁其樵

採時禱祭焉凡殿中太僕所管閑廐馬兩都皆五百

里供其芻藁其關內隴右西使北使南使諸牧監馬

牛駝羊皆貯藁及芟草高原藁支七年芟草支四年平地藁支五年芟草支三年

下土藁支四年其柴炭木植進內及供百官蕃客並於

農隙納之供內及宮人起十月畢二月供百官蕃客起十一月畢正月

水部郎中一人從五品上魏置水部郎中歷晉宋齊後魏北齊並有水部郎中

梁陳為侍郎後周冬官府有司水中大隋文帝為水部侍郎煬帝但曰水部郎宋齊梁陳後魏北齊並

郎官尚書領之隋工部尚書領之皇朝因焉武德三年加中字龍朔二年改為司川大夫成亨元年復故

員外郎一人從六品上後周冬官府有小司水上土則水部員外郎之任也隋開

皇六年置煬帝改為承務郎皇朝復為水部員外郎龍朔咸亨隨曹改復

主事二人從九品上

水部郎中員外郎掌天下川瀆陂池之政令以導達

溝洫堰決河渠凡舟楫漑灌之利咸總而舉之凡天

下水泉三億三萬三千五百五十有九其在遐荒絕

域殆不可得而知矣其江河自西極達於東溟中國

之大川者也其餘百三十有五水是為中川者也欽桑

水經所引天下之水百二十七江河在焉其千二百五十有二水斯為小

川者也流麗善長注水經引其枝若渭洛汾濟漳淇淮

漢皆亘達方域通濟舳舻徒有之無利於生人者矣

其餘陂澤魚鼈莞蒲稭稻之利蓋有不可得而備云

凡水有漑灌者碾磴不得與爭其利自季夏及於仲春皆閉斗門有

餘乃得聽用之漑灌者又不得浸人廬舍壞人墳隧仲春乃命通溝瀆立隄防孟冬而畢若秋夏霖潦泛溢衝壞者則不待時而修葺凡用水自下始凡天下造舟之

梁四河三洛一河則蒲津大陽盟石柱之梁四洛三

則天津永洛齊木柱之梁三皆渭川也便橋中渭橋

中橋灞橋也東渭橋此舉京都之衝

要巨梁十有一皆國工修之其餘皆所管州縣隨時

營葺河梁橋所須竹索令宣常洪三州役工匠預支

百條大陽蒲津竹索每年令司竹監給竹令津家水

手自造其供橋雜匠料須多少預申所司其匠先配

近橋人充浮橋脚船皆預備半副自餘調度預備一

副河陽橋船於潭洪二州造送大陽蒲津橋於嵐石

隰勝慈等州材木送橋所造河陽橋置水手二百五

十人大陽水手二百人仍各置木匠十人蒲津橋一

十五人孝義橋所須竹其大津無梁皆給船人量其

大小難易以定其差等白馬津船四艘龍門會寧合

以當處鎮防人充渭津關船二艘渡子取永豐倉防

人充渭水鴻渡船四艘涇水涇合渡韓渡劉控坂渡

睦城坂渡覆籬渡船各一艘濟川津平陰津風陵津

興德津船各兩艘洛水渡口船三艘渡子皆取側近

殘疾中男解水者充會寧船別五人興德船別四人

自餘船別三人蘄州江津渡荆州洪亭松滋渡江州

馬頰檀頭渡船各一艘船別六人越州杭州浙江渡

洪州城下渡九江渡船各三艘船別四人渡子並須

近江白丁便水者充分爲五番年別一替

書令史二十二人

甲庫令史七人

傳制八人

亭長六人

修補制敕匠五人

掌固十人

左散騎常侍二人

諫議大夫四人

左補闕二人

左拾遺二人

起居郎二人

令史三人

典儀二人

贊者十二人

城門郎四人

令史一人

書令史二人

門僕八百人

符寶郎四人

令史二人

書令史三人

主寶六人

主符三十人

主節十八人

宏文殿學士無常員

校書郎二人

學生三十人

令史二人

楷書手二十五人

典書二人

搨書手三人

筆匠三人

熟紙裝潢匠八人

亭長二人

掌固四人

侍中二人正三品

漢書百官表云侍中皆加官所加或列侯將軍卿大夫無員多至四

十人得入禁中諸曹受尚書事皆秦制漢官云秩比三千石董巴輿服志侍中冠武弁大冠亦曰惠文冠加金璫附蟬為文貂尾為飾侍中服之則左貂常侍則右貂金取堅剛百鍊不耗蟬取居高飲清貂取內勁悍外溫潤趙武靈王胡服之制秦滅趙得其冠賜侍中焉漢制分掌乘輿服物功高者一人為僕射後漢初亦加官出宣帝命入備顧問法駕出多識者一人參乘兼負傳國璽操斬白蛇劍餘皆騎在乘輿車

後從駕入廟祠。天子上堂盥，以巾奉酒。魏武改僕射為祭酒，蔡質漢官典職曰：侍中在尚書僕射下，尚書上舊與中官俱止，禁中宿直廬在石渠門外。武帝時，侍中僕射馬何羅挾刃謀逆，由是侍中出禁外。王莽秉政，復止禁中。章帝元和，侍中郭舉與後宮通，伏誅。由是復出外。靈帝時，侍中舍有循區論者，因言員有八人，未詳也。獻帝起居注云：初置侍中六人，出入禁中，近侍帷幄，省尚書事。魏氏侍中置四人，省祭酒祭而加官不在數。服秩依漢氏，掌贊贊威儀，大駕出則次直侍中，護駕正直侍中，負璽陪乘，不帶劍，餘皆騎從。御登殿，與散騎常侍對秩。侍中居左，常侍居右。備切問近對，拾遺補闕。晉令侍中品第三，武官絳朝服，佩水蒼玉，東晉桓溫奏省二人，後又復舊。宋氏掌奏事，直侍左右，殿內門下眾事皆掌之，餘同晉氏。齊氏又以功高者一人為祭酒，掌詔令機密朝會，多以美姿容者兼其官。餘同宋氏。梁氏秩二千石，品第三。後班第十二，與給事黃門侍郎一人對掌禁令。陳氏依梁後魏侍中六人，加官在數。初從第一品中，太和未革命，正第三品。北齊因之，掌獻納諫正及進御之職。後周天官府置御伯中大夫二人，天子出入則侍

中左右，大祭祀盥洗則受巾。武帝改御伯為納言，蓋侍中之職也。宣帝末，又別置侍中，為加官。隋氏諱忠，改為納言，置二人，正三品，掌陪從。煬帝十二年，改納言為侍中。皇朝初，為納言。武德四年，改為侍中。初，秦漢置侍中，曹無臺省之名。自晉始有門下省。歷宋齊梁陳後魏北齊隋國初，皆曰門下省。龍朔二年，改為東臺。左相咸亨元年，復舊。光宅元年，改為鸞臺。納言神龍元年，復舊。開元元年，改為黃門監。五年，復舊。曰門下省。

侍中之職，掌出納帝命，緝熙皇極，總典吏職，贊相禮儀，以和萬邦，以弼庶務。所謂佐天子而統大政者也。凡軍國之務，與中書令參而總焉，坐而論之，舉而行之。此其大較也。凡下之通于上，其制有六：一曰奏抄

謂祭祀支度國用，授六品以下官。斷二曰奏彈，謂御流已下罪及除免官當者，並為奏抄。

劾百司不三日露布謂諸軍破賊申尚書兵部而聞奏焉四曰議謂朝
 法之事三公卿議理有五曰表六曰狀上書通於天子者
 異同奏而裁之四名一日章二曰奏三曰表四曰駁議章者稱稽首
 上以聞謝恩陳事詣闕通者也奏者上言稽首言下
 言稽首以聞其中有所請若罪法劾案公府送御史
 臺卿校送謁者臺通者也表者上言臣某言下言臣
 某誠惶誠恐頓首頓首死罪死罪左方下附曰某官
 某甲上以詣尚書通者也公卿校尉諸將不言姓大
 夫以下皆言姓報章曰聞報奏曰可其表文尚書報
 所上云已奏如書凡表章皆啟封其言密事得皂囊
 其有疑事公卿百官會議而執異意者曰駁議曰某
 官甲議以為如是下言愚戇議異其合於上意者文
 報曰某官某甲議可漢承秦法羣臣上書皆言昧死
 言王莽慕古改昧死曰稽首光武因而不改章表制
 度自漢以後多相因循隋令有奏抄奏彈露布等皇
 朝因之其駁議表狀等至今常行其奏抄露布侍中
 審自餘皆審署申覆而施行焉復奏畫可訖留門下
 不審

中注制可印縫署凡法駕行幸則負寶以從秦漢初
 送尚書省施行主諸御物品秩亦卑晉魏以來其任漸重至隋乃為
 宰相之職任負寶之儀因而不改抑非尊崇幸輔之
 意大朝會大祭祀則版奏中嚴外辨以為出入之節
 輿駕還宮則請解嚴所以告禮成也凡大祭祀皇帝
 致齋既朝則請就齋室將奠則奉玉及幣以進盥手
 則取匱以沃洗爵則酌鬯水以奉及贊酌汎齊進福
 酒以成其禮焉若饗宗廟則進瓚而贊酌鬱酒以裸
 既裸則贊酌醴齊其餘如饗神祇之禮籍田則奉耒
 以贊事唐禮廩犧令供耒司農卿受之以授侍中凡諸侯王及四夷之君
 長朝見則承詔而勞問之臨軒命使冊后及太子則

承詔以命之

唐禮侍中前承詔降宣詔曰冊某氏女為后命公等持節展禮冊太子亦如之

凡制勅慰問外方之臣及徵召者則監其封題若發

驛遣使則給其傳符以通天下之信凡官爵廢置刑

政損益皆授之于記事之官既書于策則監其記注

焉凡文武職事六品以下所司進擬則量其階資校

其材用以審定之若擬職不當隨其優屈退而量焉

黃門侍郎二人正四品上

晉職官志云黃門侍郎秦官也無常員掌侍從左右

漢因之秩六百石劉向戒子歆書曰今若年少得黃門侍郎要處也應劭曰黃門侍郎每日暮向青瑣門

拜謂之夕郎初秦又有給事黃門之職漢因之至後漢并二官曰給事黃門侍郎掌侍從左右關通中外

諸王朝見則引王就坐至獻帝時與侍中各置六員出入禁中近侍帷幄省尚書事後又改為侍中侍郎

尋復舊為給事黃門侍郎魏氏置四人東晉桓溫奏

省二人後又復舊所掌與侍中俱置四人管門下眾

事與散騎常侍並清華而代謂之黃散焉晉令品第

五秩六百石武冠絳朝服宋氏因晉而郊廟則一人

執蓋臨軒朝會則一人執麾齊因晉宋又與侍中參

典詔命侍中呼為門下給事黃門侍郎呼為小門下

梁氏增秩二千石品第五後班第十與侍中同掌侍

從左右備相威儀盡規獻納糾正違闕監合嘗御藥

封璽書功高者一人與侍中祭酒對掌禁令陳氏因

梁後魏給事黃門侍郎史闕其員初正第三品太和

末正第四品上北齊置六人依魏氏所掌與侍中

同後周天官府置御伯下大夫二人武帝為納言下

大夫掌貳納言上大夫之職隋置四人正第四品上

煬帝減二人去給事之名直曰黃門侍郎隋氏用人

益重皇朝因之龍朔二年改為東臺侍郎咸亨元

年復舊光宅元年改為鸞臺侍郎神龍元年復舊

黃門侍郎掌貳侍中之職凡政之弛張事之與奪皆

參議焉若大祭祀則從升壇以陪禮皇帝盥手則奉

巾以進既悅則奠巾于篚奉匏爵以贊獻凡元正冬至天子視朝則以天下祥瑞奏聞

給事中四人正五品上漢書百官表云給事中亦加官所加或大夫博士議郎皆

秦制漢儀注諸給事中日上朝謁平尚書奏事分爲左右以有事殿中故曰給事中多名儒國親爲之掌

左右顧問位次中常侍後漢省其官魏氏復置或爲加官或爲正員晉氏無加官亦無常員隸散騎省位

次散騎常侍晉令云品第五武冠絳朝服宋齊隸集書省位次諸散騎下奉朝請上梁陳秩六百石品第

七與諸散騎常侍從左右獻納得失省諸奏聞後魏史闕其員初從第三品上太和末從六品上北齊

集書省置六十員從第六品上後周天官府置給事中士六十八人掌理六經及諸文誌給事於帝左右其

後六官之外又別置給事中四人隋初於門下省置給事中二十人掌陪從朝直煬帝名給事郎減置四

人位次黃門侍郎下從第五品掌省讀奏皇帝又曰給事中龍朔二年改爲東臺舍人咸亨元年乃復舊

名焉

給事中掌侍奉左右分判省事凡百司奏抄侍中審

定則先讀而署之以駁正違失凡制勅宣行大事則

稱揚德澤褒美功業覆奏而請施行小事則署而頒

之凡國之大獄三司詳決若刑名不當輕重或失則

援法例退而裁之凡發驛遣使則審其事宜與黃門

侍郎給之其緩者給傳卽不應給罷之凡文武六品

已下授職所司奏擬則校其仕歷深淺功狀殿最訪

其德行量其材藝若官非其人理失其事則白侍中

而退量焉若文武進級至于三品五品則覆其入仕之階考會所由之狀而奏裁之凡制勅文

簿授官甲歷皆貯之於其宏文館圖書繕寫讎校亦

課而察之凡天下寃滯未申及官吏刻害者必聽其

訟與御史及中書舍人同計其事宜而申理之每日御

史一人共給事中中書舍人受詞訟若告言官人事害政者及抑屈者奏聞自外依常法

錄事四人從七品上後魏門下省錄事從第八品北

上隋氏置六人煬帝三年加門下錄事為正第八品

皇朝置三人龍朔二年改為東臺主書咸亨元年復

舊開元初減置一人

主事四人從八品下晉置門下主事歷宋齊品第八

門下主事令史八人從第八品上隋初諸臺省並置

主事令史煬帝三年直曰主事舊令從九品上開元

二十四年勅加入從八品上

甲庫令史七人晉置門下令史品第九宋及梁陳並

書令史自漢以來令史皆有品秩至隋開皇初始降為流外行署

傳制八人晉書劉裕舉義兵襲徐州刺史桓脩令何

又齊受禪時侍中謝朓在直傳詔呼云須侍中解印

朓曰齊當自有侍中乃朝服步出梁陳二代並有傳

詔之職而用人猶重天后改為傳制掌送制勅

流外之中最小吏也分番上下亦呼為番官

左散騎常侍二人從三品秦置散騎又置中常侍其

中常侍得出入禁中常侍左右漢因之並用侍人無

常員皆加官所如或列侯將軍卿大夫等冠武冠皆

銀璫附蟬為文貂尾為飾謂之貂蟬後漢省散騎而

中常侍改用宦者魏黃初復置散騎與中常侍合為

一直曰散騎常侍復用士人晉置四人典章表詔命

優文策文等雖隸門下別為一省潘岳云寓直散騎

之省是也又領六散騎則有員外散騎常侍無常員

唐六典

卷八

八

常侍四人。晉大始十年，使二人與散騎常侍通員直。因名焉。又有散騎侍郎四人，魏與散騎常侍同置。自魏至晉，散騎常侍與中黃門侍郎，其平章尚書奏事。江左乃罷之。又有員外散侍郎，無常員。晉武所置。又有通直散騎侍郎四人，東晉并中書入散騎省。故庾亮讓中書，諡曰：方今并省不宜多官，往以中書事并附散騎，此事宜也。方今喉舌之要，則任在門下。表章詔命，則取之散騎，殊無事復立中書也。晉代此官，選任愈重。時與黃門侍郎，謂之黃散。晉令云：散騎常侍品第三，冠右貂金蟬絳朝服，佩水蒼玉。宋置散騎常侍四人，亦以加官九次者為祭酒，領六散騎焉。又置集書省，領之齊，因省祭酒之號。梁因之而加秩中。一千石，後班第十二。高功一人為祭酒，與散騎侍郎一人對掌禁令。自宋以來，用人雜，故其官漸替。梁天監六年，詔曰：散騎常侍員外散騎常侍通直散騎常侍為清望，宜革選參舊例。自是散騎視侍中，通直視中丞，員外視黃門侍郎。陳氏因之。後魏集書省置散騎常侍第二品。太和末，從三品，亦領六散騎。北齊置六人，餘同魏氏。後周散騎常侍為加官。隋文帝門下省置散騎常侍

侍四人。從第三品。掌陪從朝直，亦置六散騎常侍。開皇六年，省員外散騎常侍。煬帝三年，又省散騎常侍。散騎侍郎武德初，散騎常侍加官。貞觀初，置散騎常侍二員，隸門下省。明慶三年，又置員外，隸中書省。始有左右之號，並金蟬珥貂。左散騎與侍中，左貂右散騎，與中書令右貂，謂之八貂。龍朔二年，改為左常侍，咸亨元年復舊。

左散騎常侍掌侍奉規諷備顧問應對

諫議大夫四人正五品上

漢書百官表云：秦諫大夫屬中令，無常員，多至數十。

人掌議。至武帝元狩六年，始因秦置之。秩比六百石。光武中興，諫議大夫置十三員。魏氏因之。史闕員品。晉宋齊梁陳並置。至後魏始置之。正第四品。北齊集書省置諫議大夫七人。從第四品下。後周地官府置保氏下大夫一人，掌規諫，皆其任也。隋氏門下省置諫議大夫七人。從四品下。皇朝置四人。龍朔二年，改為正議大夫。神龍元年復舊。

諫議大夫掌侍從贊相規諫諷諭凡諫有五一日諷

諫風之以言謂之諷諫孔子曰諫有五吾從二曰順

諫謂其所不可不敢逆而諫之則順其三曰規諫謂

其規而四曰致諫謂致物以五曰直諫謂直言君之

正其事已然後為之者

左補闕二人從七品上皇朝所置言國家有過闕而補正之故以名官焉詩云衮

職有闕仲山甫補之蓋取此義後漢伏湛出入禁闈拾遺補闕魏志文帝勅侍臣曰公卿等宜拾朕之遺

補朕之缺晉武帝詔曰公卿等宜補闕拾遺獻可替否晉職官志御登殿侍中居左散騎常侍居右備切

問近對拾遺補闕後魏孝文帝令侍中李冲補闕左右垂拱中因其義而創立四員左右各二焉天授初

左右各加三員通前為十員神龍初依舊各置二人其才可則登不拘階敘又置內供奉無員數才職相

當不待闕而授其資望亦與正官同祿俸等並全給右補闕亦同

左拾遺二人從八品上皇朝所置官國家有遺事拾

贖曰臣願為中郎署長出入禁闥補過拾遺漢書元帝初立給事中劉向侍中金廠拾遺於左右後漢張

衡為侍中恒居帷幄從容諫議拾遺左右後魏初置內侍長主拾遺應對若今之侍中散騎又孝文常命

侍中邱惟拾遺左右垂拱中因其義而創立四員左右各二焉天授初左右各加三員通前共為十員神

龍初依舊各置二員才可則登不拘階敘亦置內供奉無員數資望俸祿並如正官右拾遺亦同也

左補闕拾遺掌供奉諷諫扈從乘輿凡發令舉事有

不便於時不合於道大則廷議小則上封若賢良之

遺滯於下忠孝之不聞於上則條其事狀而薦言之

起居郎二人從六品上起居郎因起居注以為名起居注者紀錄人君動止之事

唐六典

卷八

春秋傳曰君舉必書禮云動則左史書之言則右史書之又曰左史記事右史記言言為尚書事為春秋皆其事也宋衷世本云沮誦倉頡為黃帝左右史周書穆王時有左史戎夫書前代存亡之誠諸侯之國亦立之晉武帝時得汲冢書有穆天子傳體制與當時起居注正同蓋周左右史之所錄也漢武有禁中起居注後漢明德皇后撰明帝起居注然則漢時起居注似在宮中為女史之職魏晉已來皆中書著作兼修國史元康二年著作隸入祕書別名著作省歷宋齊梁陳皆掌國史後魏及北齊集書省領起居注及動作以為國誌即其任也又有著作二人掌綴國錄蓋起居著作自此分也隋省內史舍人四員而始置起居舍人二員皇朝因之貞觀二年省起居舍人移其職於門下置起居郎二員明慶中又置起居舍人始與起居郎分任左右龍朔二年改為左史咸亨元年復故天授元年又改為左史神龍元年復故

令史三人

先置楷書手今改為令史

起居郎掌錄天子之動作法度以修記事之史凡記事之制以事繫日以日繫月以月繫時以時繫年必時書其朔日甲乙以紀歷數典禮文物以考制度遷拜旌賞以勸善誅伐黜免以懲惡季終則授之于國史焉漢獻帝及西晉以後諸帝皆有起居注皆史官所錄自隋置為職官列為侍臣專掌其事每季為卷送付史官

典儀二人從九品下周禮秋官有司儀上士八人中七十有六人蓋皆典儀之任也

齊職儀云東官殿中將軍屬官有導客局置典儀錄事一人掌朝會之事史闕其品秩梁有典儀之職未詳何曹之官掌唱警唱奏之事朱服武冠陳亦有之後魏置典儀監從第五品史闕其員及所掌皇朝置典儀二人隸門下省初用人皆輕至貞觀初李義府為之是後常用士人領贊者以知贊唱之節

贊者十二人隋太常寺有贊者十六人鴻臚寺有贊者十二人皇朝因置之隸門下省掌贊

唱為行事之節分番上下亦謂之番官

典儀掌殿上贊唱之節及設殿庭版位之次若元正朝會王公外殿既坐酒至而起皆傳贊唱而為之節也凡國有大禮侍中行事

及進中嚴外辨之版皆贊相焉

城門郎四人從六品上周禮地官有司門下大夫二人上士四人蓋城門郎之任

也初漢置城門校尉員一人秩二千石掌城門屯兵

有司馬及丞各二人十二城門候各二人出從緹騎

百二十人蓋兼監門將軍之職魏因之晉氏品第四

秩二千石銀章青綬絳朝服武冠佩水蒼玉元帝省

之宋齊俱以衛尉掌宮城屯兵及管鑰之事梁陳二

代依秦漢以光祿卿掌宮殿門戶亦無城門之職後

魏之城門校尉第三品下太和末第四品上北齊衛

尉寺統城門寺置城門校尉二人第四品上掌宮殿

門并諸倉庫管鑰之事而後周地官府置宮門中士

一人下士一人掌皇城五門之禁令又置城門中士

一人下士一人掌皇城十二門之禁令蓋並其任也

隋氏門下省統城門局校尉二人從第四品下煬帝

三年又隸內省十二年又減一人降為正第五品後

又改校尉為城門郎從第六品置四人又隸門下省

皇朝因之

門僕八百人按晉光祿勳左中郎將有崇禮等門僕各二人隋有太廟郊社門僕皇朝城門

郎置門僕分番上下掌送管鑰

城門郎掌京城皇城宮殿諸門開闔之節奉其管鑰

而出納之明德等門為京城門朱雀等門為皇城門承天等門為宮城門嘉德等門為宮門太

極等門為殿門通內等門並開則先外而後內闔則

同上關門東都諸門准此

先內而後外所以重中禁尊皇居也候其晨昏擊鼓

之節而啓閉之

承天門擊曉鼓聽擊鐘後一刻鼓聲絕黃城門開第一蓼蓼聲絕宮城門開

及左右延明乾化門開第二蓼蓼聲絕宮殿門開夜

第一蓼蓼聲絕宮殿門閉第二蓼蓼聲絕宮城門閉

及左右延明門皇城門閉其京城門開閉與皇城門

同刻承天門擊鼓皆聽漏刻契至乃擊待漏刻所牌

乃絕凡皇城宮城闔門之鑰先酉而出後戌而入

開門之鑰後丑而出夜盡而入宮城皇城鑰匙每日入前五刻出閉門一

更二點進入五更一點出開門夜京城闔門之鑰後

漏盡第二蓼蓼後二刻而進入申而出先子而入開門之鑰後子而出先卯而入

門鑰匙於東廊下貯納每去日入前十四刻出閉門

二更一點入四更一點出開門夜漏盡第二蓼蓼後

十刻若非其時而有命啟閉則詣閣覆奏奉旨合符

而開闔之殿門及城閉若有勅夜開受勅人具錄須

開之門宣送中書門下其牙內詣門城門

郎與監直監門將軍郎將各一人俱詣閣覆奏御注

聽即請合符門鑰對勘符然後開之凡車駕巡幸所

詣之所計其應啟閉者先發而請

其管鑰及至即開闔如京城之制

符寶郎四人從六品上周禮地官有掌節春官又有

典瑞並其任也自漢以來唯旌節稱節餘皆號符焉寶即璽也秦為符璽令史記

云始皇出遊會丞相李斯中車府令趙高從高兼行

符璽令事是也漢因秦置符節令丞屬少府漢官云

秩四百石漢書云昭帝幼冲霍光秉政殿中夜驚光

召符璽郎取璽郎不與光奪之郎按劔曰臣頭可得

璽不可得光壯之增秩二等後漢則別為一臺亦屬

少府置符節令一人為臺率主符節事凡遣使掌授

節令尚符璽郎中四人兩漢皆傳秦六璽及傳國璽

魏符節令位次御史中丞晉武帝大始元年省并蘭

臺置符節御史宋因之齊置主璽令史於蘭臺以侍

書御史領之梁陳御史臺並置符節令史後魏御史

臺置符節令領符璽郎中初從第四品中太和末從

第六品上北齊御史臺領符節署令一人領符璽郎

中四人後周天官府置主璽下上四人分掌神璽傳

唐六典

卷八

三

國璽與六璽之藏隋初門下省統六局符璽局置監
 二人正第六品上直長四人從第七品上煬帝二年
 改為郎從第六品皇朝因隋置符璽郎四人天后更
 名符寶郎授命及神璽等八璽文並瑑為寶字神龍
 初復為符璽郎開元初
 又為符寶郎從璽文也

主寶六人寶即璽也周書曰湯放桀大會諸侯取天
 子之璽置天子之座古者印璽二名尊卑
 共之諸侯大夫印亦稱璽春秋左傳曰季武子使季
 冶問璽書追而與之是也主寶掌之分番上下亦謂
 之番

主符三十人漢文帝時與郡守為竹使符第一至第
 五以代周之鎮圭納兵為銅獸符第一
 至第五以代周之牙璋各分半右留京師左以與之
 皆符合為信六國時魏公子無忌竊兵符矯命殺晉
 鄙則六國亦有之後漢太守都尉初除與璽書及發
 兵亦與璽書或與詔書姦偽刻造無由檢知至順帝
 以此制煩擾但召符節令發銅獸竹使符耳歷魏晉
 宋梁陳皆用之後魏有傳符歷北齊隋皆用之武德

初為銀菟符後改為魚符又有傳符
 主符掌之分番上下亦謂之番官

主節十八人主節掌守幡節並分
 番上下亦謂之番官

符寶郎掌天子之八寶及國之符節辨其所用有事
 則請於內既事則奉而藏之八寶一曰神寶所以承

百王鎮萬國二曰授命寶所以修封禪禮神祇徐令
 言玉
 璽記曰玉璽者傳國璽也秦始皇取蘭田玉刻而為
 之其書李斯所製回文曰受命于天既壽永昌璽上
 隱起為盤龍文文曰受天之命皇帝壽昌方四寸鈕
 五龍盤秦滅傳漢歷王莽為元后授之于地遂一角
 缺莽滅校尉公寶就收璽綬詣更始于宛更始敗以
 璽上劉盆子盆子降面縛上璽綬光武祠於高
 廟受傳國璽至靈帝崩少帝失位掌璽者授于井中
 為孫堅所得袁術拘其妻而奪之術死荊州刺史徐
 繆得璽還許上之漢滅傳魏至晉懷帝璽沒于劉聰
 聰死劉曜得之又傳於石勒石季龍冉閔石季龍摩

其隱起之文。又刻其傍為文曰：天命石氏，後冉閔敗。其將蔣韓求救于晉，遂以璽送建業。永和八年也。歷東晉宋齊梁侯景竊位，為景所得。景敗，為將侯子監盜璽走江東，懼追兵至，投諸佛寺，為棲霞寺僧永得之。陳永定三年，僧永死，弟子普智奉獻。陳亡，璽傳于隋。又晉陽秋云：晉孝武十九年，雍州刺史郗恢於慕容永處得璽，乃送建業。其璽方六寸，厚一寸七分，高四寸六分，蟠龍隱起，文字巧妙。一與傳國璽同，但形制高大，玉色不逮耳。自晉至梁，相傳謂之鎮璽。及侯景敗，侍中趙思齊挾以渡江。兖州刺史郭元建得之，以送于齊。文宣帝齊亡入周，周傳于隋。隋文帝初亦得之，為傳國璽。開皇二年，改為授命璽。至開皇九年，平江南，得真傳國璽，乃改前所得大者名神璽。至大業初，著之于令。隋末又沒于字文化及竇建德。武德四年，克平東夏，建德右僕射裴矩奉傳國璽及神璽六璽以獻。三曰：皇帝行寶。答疏於王公則用之。四曰：皇帝之寶。勞來勲賢則用之。五曰：皇帝信寶。徵召臣下則用之。六曰：天子行寶。答四

夷書則用之。七曰：天子之寶。慰撫蠻夷則用之。八曰：天子信寶。發蕃國兵則用之。

衛宏漢舊儀曰：天子有六璽，皆白玉。螭獸紐。文曰：皇帝行璽。皇帝之璽。皇帝信璽。天子行璽。天子之璽。天子信璽。虞喜志林曰：所封事異，故文字不同。漢儀又云：以皇帝行璽為凡，雜以皇帝之璽，賜諸侯王。書以皇帝信璽發兵，其徵大臣以天子行璽。外國事以天子之璽。鬼神事以天子信璽。皆以武都紫泥封。青布囊，白素裏，兩端縫尺一版中約署，有事及發外國兵，用天子信璽封拜外國及徵召，用天子行璽。賜匈奴單于外國王書，用天子之璽。下竹使符徵召，大用皇帝之璽封拜王公以下。遣使就授，皆用皇帝行璽。若車駕行幸，次直侍中佩信璽行璽，以從天子之信。古曰：璽，今日寶。其用以玉，其封以泥。皇后及太子之信曰寶。其凡大朝會，則奉寶以進于御座。車駕行幸，則奉寶以從于黃鉞之內。

今元正朝會，則進神寶及受命寶。若行幸，則合

八寶為五舉函錄封盛以從凡百大事則出納符節辨其左右之

異藏其左而班其右以合中外之契焉一日銅魚符

所以起軍旅易守長兩京留守若諸州諸軍折衝府

皆給銅二日傳符所以給郵驛通制命兩京留守及

所並給傳符諸應給魚符及傳符者皆長官執之其

長官若被告謀反大逆其魚符付以次官無次官付

受告三日隨身魚符所以明貴賤應徵召親王及二

之司京官文武職事五品已上都督刺史大都督

府長史司馬諸都護副都護並給隨身魚符四日

木契所以重鎮守慎出納車駕巡幸皇太子監國有

王公以下兩京留守及諸州有兵馬受處分者為木契若

所及領兵五百人者以上馬五百匹以上征討亦各

給木契其在外及行五日旌節周禮掌儀職曰凡邦

用法式並准魚符

節注云今漢使所用是也漢書曰辰太子遭巫蠱事

不自明取漢使節發兵與丞相劉屈氂戰初漢節純

赤以太子持赤節故更為黃旄加以相別蘇武在匈

奴執漢節毛所以委良能假賞罰魚符之制王畿之

內左三右一王畿之外左五右一左者在內右者在

一為首後事須用以大事兼勅書替代留守軍將及

新授都督刺史及改替追喚別使若禁推小事但降

請假勅許及別勅解任者皆須得勅書

符函封追遣使合而行之應用魚符行下者尚書省

遣宮典就門下對封封內連寫勅符與左魚同函傳

封上用門下省印共追右符函盛封印亦准此

符之制太子監國曰雙龍之符左右各十京都留守

曰麟符左二十其右一十有九東方曰青龍之符西

方曰騶虞之符南方曰朱雀之符北方曰元武之符

左四右三左者進內右者付外應執符人其兩京留守並進內若車駕巡幸留右符付留守人

隨身魚符之制左二右一太子以玉親王以金庶官

以銅隨身魚符皆題云某位姓名其官只有一員者不須著姓名即官名其曹司同者雖一員亦著

姓名隨身者仍著姓名並以袋盛其袋三品已上飾

以金五品已上飾以銀六品已下守五品已上者不

佩魚若在家非時及出使別勅負檢校并領兵在外

不別給符契若須迴改處分者勘符同然後承用

佩以為飾刻姓名者去官而納焉不刻者傳而佩之

若傳佩魚皆須遞相符木契之制太子監國則王畿

之內左右各三王畿之外左右各五庶官鎮守則左

右各十旌節之制命大將帥及遣使於四方則請而

假之旌以專賞節以專殺

宏文館學士無員數後漢有東觀魏有崇文館宋元

明有總明館梁有士林館北齊有文林館後周有崇

文館或典校理或司撰著或兼訓生徒若宏文館

之任也武德初置修文館武德未改為宏文館神龍

元年避孝敬皇帝諱改為昭文神龍二年又改為修

文景雲二年改為昭文開元七年又改為宏文隸門

下省自武德貞觀以來皆妙簡賢良為學士故事五

品已上稱為學士六品以下為直學士又有文學直

館并所置學士並無員數皆以他官兼之儀鳳中以

中多圖籍置詳正學士校理自垂拱以來多館大臣

兼領館中有四部書貞觀初褚無量檢校館務學士

號為館主因為故事其後有張太素劉偉之范履冰

並特勅相次為館主焉常令給事中一人判館事

職事從三品中書黃門侍郎子並聽預簡選性識聰敏者充貞觀元年勅見任京官文武職事五品已上內出其年有二十四人入館勅虞世南歐陽詢教示楷法黃門侍郎王珪奏學生學書之暇請置博士兼肄業焉勅太學助教侯孝遵授其經典著作郎許敬宗授以史後二年珪入奏請為學生置講經博士考試經業准試貢舉兼學法書

年減二人

典書二人館中有經史子集四部之書使典之也其職同流外入考入流

榻書手三人

貞觀二十三年置龍朔三年館內法書九百四十九卷並裝進其榻書停神龍元年

又置

筆匠三人

貞觀二十三年置

熟紙裝潢匠九人

貞觀二十三年置

宏文館學士掌詳正圖籍教授生徒凡朝廷有制度沿革禮儀輕重得參議焉

校書郎掌校理典籍刊正錯謬其學生教授考試一

如國子之制

禮部試崇文宏文生舉例經習一大經一小時習史記漢書後漢書三國志

各自為業及試時務策五條經史皆讀文精熟言音典正策試十道取粗解注義經通六史通三其時務策須文體不失問目意試五得三皆兼帖孝經論語共十條者為第

唐六典卷八

大唐六典中書省集賢院史館匭便卷第九

唐元宗御撰

集賢院學士兵部尚書兼中書令修國史上柱

國開國公臣李林甫等奉 敕注上

中書省

中書令二人

中書侍郎二人

中書舍人六人

主書四人

主事四人

令史二十五人

書令史五十人

傳制十人

亭長十八人

掌固二十四人

修補制敕匠五十人

掌函掌案各二十人

右散騎常侍二人

右補闕二人

右拾遺二人

起居舍人二人

通事舍人十六人

集賢殿書院

學士

直學士

侍講學士

修撰官

校理官

中使一人

孔目官一人

知書官八人

書直及寫御官一百人

榻書手六人

畫直八人

裝書直十四人

造筆直四人

典四人

集賢殿學士

史館

史官

亭長二人

掌固六人

熟紙匠六人

匭使院

知匭使一人

判官一人

典二人

中書令二人正三品

周官內史掌王之八柄掌書王命蓋中書之任也漢中書謁者令丞屬少府自武帝游宴後庭故用宦者司馬遷被腐刑之後為中書令即其任也言謁者省文也宣帝時任中尚書官弘恭石顯皆宦者恭為令顯為僕射元帝即位恭死顯代為中書令元帝以中人無外

黨遂委以政事。事無大小，皆因決白。貴幸傾朝，公卿已下畏之。重足并迹，咸謂成帝改中書。漢舊儀云：領贊尚書令，罷中書宦官。更以士人為之。漢舊儀云：領贊尚書出入奏事。秩千石。後漢省獻帝時，魏武為魏王，置秘書令，典尚書奏事。此又中書之任也。魏黃初，改秘書令，典尚書奏事。為中書令。又置監與令各一人。秩並千石。以秘書左丞劉放為中書監。右丞孫資為中書令。二人用事，權自此重矣。魏置監、右丞於中書，故孟康自中書令遷中書監。時以為美也。魏中書典尚書奏事。若密詔下州郡及邊將，則不由尚書。晉氏監令並第。三品。秩千石。銅印墨綬。進賢兩梁冠。絳朝服。佩水蒼玉。輅車。監令掌贊詔命。記會時事。典作文書。舊尚書并掌詔奏。既有中書官而詔悉由中書官也。故荀勗從中書監為尚書令。入賀之，乃發詔。日奪我鳳凰池。何賀之有。東晉朝更重其職。多以諸公領之。中興之後，以中書九任。并入散騎省。後復置之。宋齊置監令。品秩並同。晉氏梁監增秩至中二千石。令秩增二千石。監令並增秩至二品。後制十八班。監班第十五。令班第十四。陳氏監令品秩依梁中書分為二十一局。各掌尚書諸曹。總國機要。而尚書唯聽受而已。後魏

置監令各一人。孝文初，定命中書監正第一品。中書令正第三品。中太和末，監從第二品。今正第三品。北齊依魏後周依周官春官府置內史中大夫二人。掌王言。蓋比中書監令之任。後又增為上大夫。隋氏改中書省為內史省。置內史省監令各一人。尋廢監。置令二人。正第三品。文帝廢三公府察令。中書令與侍中知政事。遂為宰相之職。煬帝十二年，改為內書省。武德初，為內史省。三年，改為中書省。龍朔二年，改省為西臺。令為右相。咸元元年，復舊。光宅二年，改中書為鳳閣。令為內史。神龍元年，復舊。開元元年，改為紫微令。五年復舊。

中書令之職，掌軍國之政令。緝熙帝載，統和天人。入則告之，出則奉之。以釐萬邦，以度百揆。蓋以佐天子而執大政者也。凡王言之制，有七：一曰冊書。

藩屏寵命尊賢臨軒備禮則用之。二曰制書。行大賞罰授太官爵釐革舊政赦宥降虜則用之。

之三曰慰勞制書褒贊賢能勸勉四曰發日敕謂御

日敕也增減官員廢置州縣徵發兵馬除免官爵授

六品以下官處流已上罪用庫物五百段錢二百千

倉糧五百石奴婢二十人馬五十疋謂百

牛五十頭羊五百口已上則用之謂百

旨而為程式奏六曰論事敕書慰諭公卿誠約七曰

事請施行者六曰論事敕書臣下則用之七曰

敕牒隨事承旨不易皆宣署申覆而施行焉尚書典

誓命之書皆帝王詔制記於簡策者也蔡邕獨斷稱

漢制天子之書一曰策書二曰制書三曰詔書四曰

戒書策者以簡為之其制長三尺短者半之其

長二短兩編下附篆書題年月日稱皇帝日以命諸

侯王三公制書帝者制度之命也其文曰制詔三公

赦令贖令之屬是也近道印付使遠道皆壘封尚書

令即准赦贖令召三公詣朝堂受制書司徒露布州

郡詔書有三品其文曰告某官某官如故事是為詔

書羣臣有所奏請尚書令奏下之有制詔天子答之

曰可以為詔書羣臣有所奏請無尚書令奏制日之

字則答日已奏如書本官下所當至亦曰詔戒書戒

敕刺史太守及三邊管官被敕之日有詔敕某官是

為戒敕自魏晉以後因循有冊書詔敕總名曰詔皇

謂御

畫發

謂百

謂承

謂承

謂承

謂承

謂承

謂承

謂承

謂承

謂承

謂承

謂承

謂承

謂承

謂承

謂承

謂承

謂承

若命之於朝則宣而授之凡冊太子則授璽綬凡制

詔宣傳文章獻納皆授之於記事之官

中書侍郎二人正四品上按環濟要略漢置中書掌

云置中書領尚書事掌勾奴營部一令僕丞郎漢舊儀

者一置中書侍郎中書置監令又置通事郎置黃門郎

即中書侍郎之任也魏志明帝詔舉中書郎謂盧毓

曰得人與否在盧生耳又司馬宣王辟王伯輿擢為

中書侍郎則其名起於魏氏晉令中書侍郎四人品
 第四給五時朝服進賢一梁冠晉氏每一郎入直西
 省專掌詔草更直省五日從駕則正直從次直守東
 晉又改為通事郎尋復舊宋齊並同晉氏梁功高者
 一人主省內事秩千石班第九品上北齊因之後周
 初正第四品上太和末從第四品上蓋比中書侍郎之
 依春官府置小內史下大夫三人正第四品下煬
 任也隋初改為內史省侍郎置四人正第四品下煬
 帝二年減二員十二年改為內書侍郎皇朝改為內
 史侍郎武德三年改為中書侍郎龍朔咸亨光宅神
 龍開元並
 隨省改復

中書侍郎掌貳令之職凡邦國之庶務朝廷之大政
 皆參議焉凡臨軒冊命大臣令為之使則持冊書以
 授之若自內冊則以冊書授使者冊后則奉凡四夷
 來朝臨軒則受其表疏升於西階而奏之若獻贄幣

則受之以授於所司

尚書舍人六人正五品上

魏氏中書置通事一人掌
 呈奏案草魏志云明帝時

有通事劉泰是也高貴鄉公正始中改為通事舍人
 尋又改為通事侍郎則猶兼侍郎之任也晉書百官
 志云晉初中書舍人通事各一人至東晉令為一職
 謂之通事舍人專掌呈奏後復省之而以侍郎兼其
 職晉令中書通事舍人亦同晉氏入直閣內出宣詔命
 而侍郎之任輕矣齊武永明立中書通事舍人四人
 各住一省時謂之四戶既總重權勢傾天下會熒惑
 入太微忤此由四戶帝納之不能改也而梁氏秩四百
 文乖忤此由四戶帝納之不能改也而梁氏秩四百
 石品第八梁用人殊重簡以才能不限資地多以他
 官兼領並入閣內專掌中書詔詔猶兼呈奏之事故
 裴子野以中書侍郎鴻臚卿常兼中書通事舍人別
 勅之詔詔自魏晉詔詔皆中書令及中書侍郎掌之
 至梁始舍人為之其後除通事直日中書舍人陳氏
 置五人餘同梁氏後魏第六品上史闕其員北齊置

十人。品同魏氏。並掌詔誥。後周春官府置小史上士二人。此其任也。隋初改曰內史舍人。置八人。專掌詔誥。正第六品上。開皇三年。加從第五品上。煬帝三年。減置四人。十二年。改曰尚書舍人。皇朝改曰內史舍人。武德三年。改曰中書舍人。龍朔咸亨。龍宅神龍。開元。並隨省。改復。

中書舍人。掌侍奉進奏。參議表章。凡詔旨制敕。及璽書冊命。皆按典故。起草進畫。既下。則署而行之。其禁有四。一曰漏洩。二曰稽緩。三曰違失。四曰忘誤。所以重王命也。制敕既行。有誤。則奏而改正之。凡大朝會。諸方起居。則受其表狀而奏之。國有大事。若大克捷。及大祥瑞。百僚表賀。亦如之。凡冊命大臣於朝。則使持節讀冊命之。凡將帥有功。及有大賓客。皆使勞問。

之。凡察天下冤滯。與給事中及御史三司鞠其事。凡

有司奏議。文武考課。皆預裁焉。按今中書舍人給事中。每年各一人。監考

內外官使。其中書舍人在省。以年深者為閣老。兼判本省雜事。一人專掌畫。謂之知制誥。得食政事之食。

餘俱分署刺敕。六人分押尚書六司。凡有章表。皆商可。否。則與侍郎及令。連署而進奏。其掌畫事繁。或以

諸司官兼者。謂之兼制誥。

主事四人。從七品上。周官天官有司書中士四人。鄭注云。主會計之簿書。掌邦國六

典。以法九職。蓋比主書之任也。王道秀百官春秋初。晉中書置主書。用武官。宋文帝改用文吏。齊氏尚書

置主書。令史。梁氏不置。陳氏中書置主書十人。去令史之名。後魏中書有主書令史八人。從第七品上。北

齊十人。從八品上。天保中。文宣躬親政事。主書令史頗亦受委。並得奏事。文宣曾立看主書令史題署。嫌

其遲語云。但主書何須復著令史二字也。即以去之。至武成河清初。左丞劾其輒改吏稱。皆云。文宣口敕。

尋屬新令初頒遂去令史之字文宣之代雖曰委任用人猶輕至孝昭武成召引才學之士荀士遜李得林樊孝廉為之頗曰清舉猶未有灼然子弟屈為此職隋氏中書主書亦有令史字置十人正第九品上用益輕煬帝三年改減為四人皇朝因之流外入流累轉為之

主事四人從八品下魏氏所置歷宋齊中書並置三人事品並第八梁中書令史二人

品第八陳氏及後魏北齊並不置隋初諸臺省並置主事令史皆正第九品上煬帝三年並去令史之名前代用人皆輕而隋氏雜用士人為之故顏慤楚文學名家為內史主事尋罷士人皇朝並用流外入流累轉為之舊令從九品上開元二十四年敕進入八品

令史二十五人書令史五十人魏置中書令史品第八晉氏品第九宋氏

品第八齊中書令史品第六梁中書令史八人書令史十二人皆第九陳氏中書吏不置令史後魏北齊中書並有令史自前代以來令史皆有品秩至隋開皇初始降為流外行署

右散騎常侍二人從三品故事已詳於左省顯慶二年置龍朔二年改為右常侍咸亨元年復故

右散騎常侍掌如右散騎常侍之職

右補闕二人從七品上廢置已詳門下省左補闕注

右拾遺二人從八品上已詳左拾遺注

右補闕拾遺掌如左補闕拾遺之職

起居舍人二人從六品上起居舍人因起居注而右官焉古者人君言則有史書之即其任也其設官沿革起居郎注詳焉隋煬帝三年減內史舍人四員置起居舍人二人從六品上貞觀二年省顯慶二年又置龍朔二年改為右史咸亨元年復故天授元年又改為右史神龍元年復故

起居舍人掌修記言之史錄天子之制誥德音如記

事之制以紀時政之損益自永徽以後起居唯得對仗承旨仗下之後謀議皆

不得預聞長壽元年文昌左承姚璿知政事以為帝

王謨訓不可遂無紀述若不宣自宰相史官無從得

書遂表請仗下所言軍國政要即宰相一人專知撰

錄號為時政記每月送史館自後因循錄付西省起

居使編季終則授之於國史

通事舍人十六人從六品上通事舍人即秦之謁者漢書百官表云謁者掌

賓贊受事員七十人秩比六百石有僕射秩比千石

舊儀云謁者有缺選郎中美鬚眉大音者補後漢百

官志和帝時陳羣何熙為謁者僕射贊拜殿中音動

左右後漢有常侍謁者五十謁者三千五百人二漢謁

者臺並隸光祿勳魏置謁者十人晉武帝省僕射以

謁者并蘭臺晉初置舍人通事各一人隸中書晉令

舍人通事兼謁者之任通事舍人之名自此始也宋

武帝置謁者僕射領謁者十八人齊因之梁置謁者

十人亦隸謁者臺陳亦有之後魏謁者從第五品中

北齊謁者三十人正第九品下隋初罷謁者官置通

事舍人十六人從六品上開皇三年增為三十四員

又置謁者臺改通事舍人為通事謁者創置四方館

於建國門外隸鴻臚寺以待四方使者皇朝廢謁

者臺改謁者為通事舍人隸四方館屬中書省

通事舍人掌朝見引納及辭謝者於殿廷通奏京官

職事五品已上假使去皆奏辭來皆奏見其六品已

下奉勅差使亦如之外官五品已上假使至京及經

京過若新授及駕行在凡近臣入侍文武就列則引

以進退而告其拜起出入之節凡四方通表華夷納

貢皆受而進之若有大詔今則承旨以宣示百寮凡軍旅之出則受

命慰勞而進之既行則每月存問將士之家以視其

疾苦凱還則郊迓之皆復命凡致仕之臣與邦之耆

老時巡問亦如之

集賢殿書院

開元十三年所置漢魏以來其職具秘書省梁武帝於文德殿內列藏衆書北

齊有文林館學士後周有麟趾殿學士皆掌著述隋平陳之後寫書正副二本藏於中宮其餘以實秘書外閣煬帝於東都置觀文殿東西廂貯書自漢延嘉至今皆秘書掌圖籍而禁中之書或時有焉及太宗在藩邸有秦府學士十八人其後崇文館宏文館皆有學士則天時亦有殊英學士皆其任也今上即位大收羣書以廣儒術自開元五年於乾元殿東廊下寫四部書以充內庫命右散騎常侍褚無量秘書監馬懷素總其事置判官四人以一人判事其後因之六年駕幸東京七年於麗正殿安置為修書使褚馬既卒元行冲為使尋以張說代之八年置校理二十人十二年駕幸東都於命婦院安置十三年召學士張說等宴於集仙殿於是改名集賢殿修書所為集賢殿書院五品已上為學士六品以下為直學士以說為大學士知院事說累讓大字詔許之其後更置修撰校禮官只有待制官名其來尚矣漢朱買臣

待詔公車公車衛尉之屬官掌天下之上書東方朔劉向王褒賈捐之等待詔金馬門官署門也今之待制即其事焉

學士

五品以上為學士每以宰相為學士者知院事初張說為中書令知院制以右常侍徐堅副之

自爾常以近密官為副兼判院

直學士

六品以下為直學士並開元十三年置

侍講學士

開元初褚無量馬懷素侍講禁中為侍讀其後康子元等為侍講學士

修撰官校理官

同直學士無常員以他官兼之又有留院官檢討官皆以學術別勅留之

中使一人

自乾元殿寫書則直知出入宣傳進奏掌同宮禁

孔目官一人

開元五年置

知書官八人

開元五年置漢劉歆總羣書而為七略凡三萬三千九百九十卷遭王莽董卓之亂

掃地皆盡魏氏採掇遺亡至晉總括羣書凡二萬九千九百四十五卷惠懷之後靡有孑遺東晉所存三千一百四卷至宋謝靈運造四部目錄凡四千五百八十二卷其後王儉復造目錄凡五千七百四卷齊王亮謝朓四部書目凡萬八千一百一十卷齊末兵火延燒秘閣經籍煨燼梁帝克平侯景收公私經籍歸於江陵凡七萬餘卷周師入郢咸自焚之周武保定中書盈萬卷平齊所得纔至五千隋秘書監牛宏請分遣使者搜訪異書平陳之後經籍漸備凡三萬餘卷煬帝寫五十副本分為三品大唐平王世充收其圖書游河西上多有漂沒存者猶八萬餘卷自是圖書在秘書今秘書宏文史館司經崇文皆有之集賢所寫皆御本也書有四部一曰甲為經二曰乙為史三曰丙為子四曰丁為集故分為四庫每庫二人知寫書出納名目次序以備檢討焉四庫之書兩京各二本共二萬五千九百六十一卷皆以益州麻紙寫其經庫書鈿白牙軸黃帶紅牙籤史庫書鈿青牙軸縹帶綠牙籤子庫書彫紫檀軸紫帶碧牙籤集庫書綠牙軸朱帶白牙籤以為分別

書直及寫御書一百人

開元三年十二月敕於秘書省昭文館兼廣召諸色能書者充皆親經御簡後又取前資常選三衛散官五品以上子孫各有年限依資甄叙至十九年敕有官為直院也

搨書手六人

乾元殿初置二人開元十四年奏加至六人取人及有官同直院

畫直八人

開元七年敕緣修雜圖訪取二人八年又加六人十九年院奏定為直院

裝書直十四人

開元六年置八人七年更加十人十九年八月減四人

造筆直四人

開元六年置

典四人

開元五年置二人九年加二人

集賢院學士掌刊緝古今之經籍以辨明邦國之大典而備顧問應對凡天下圖書之遺逸賢才之隱滯

則承旨而徵求焉其有籌策之可施於時著述之可
 行於代者較其才藝考其學術而申表之凡承旨撰
 集文章校理經籍月終則進課於內歲終則考最於
 外開元八年十月敕學士等入經三年已上為年深
 若校理精勤紕繆多正及不能詳覈無所發明委
 修書使錄奏
 別加褒貶

史館史官

周有大史小史內史外史而諸侯之國亦
 置史官又春秋國語引周志及鄭書之說

推尋事迹似當時記事各有職司其後陵夷史官放
 絕秦滅先王之典其制莫存至漢武始置太史命司
 馬談為之時天下計書先上太史副上丞相談乃據
 左氏國語代本戰國策楚漢春秋按其事名曰史記遷
 之言談卒其子遷又為太史嗣成其事名曰史記遷
 卒後好事者若馮商劉歆揚雄等亦頗著述漢末扶
 風班彪綴後傳數十篇彪卒其子固續成其志名曰
 漢書後漢明帝又召固入東觀與陳宗尹敏孟冀共

成先武本紀其後劉珍劉毅劉陶伏無忌黃景等相
 次著述東觀所撰書謂之東觀漢記然皆他官兼領
 史職至魏明帝太和始置著作郎及佐郎隸中書
 省專掌國史至晉惠帝元康二年改隸秘書省歷宋
 齊梁陳後魏並置著作隸秘書省北齊因之代亦謂
 之史閣亦謂之史館史閣史館之名自此有也故北
 齊邢子才作詩酬魏收冬夜直史館是也後周有著
 作上士中士掌國史屬春官府隋氏曰著作曹掌國
 史隸秘書省皇朝曰著作局貞觀初別置史館於禁
 中專掌國史以作官兼領或卑品有才亦以直館焉
 史官掌修國史不虛美不隱惡直書其事凡天地日
 月之祥山川封域之分昭穆繼代之序禮樂師旅之
 事誅賞廢興之政皆本於起居注以為實錄然後立
 編年之體為褒貶焉既終則藏之於府

匭使院知匭使一人

垂拱元年置常以諫議大夫及
 補闕拾遺一人為使專知受狀

以達其事。事或要者當時處分。餘出付中書及理。使據狀申奏。理。甄使常以御史丞及侍御史一人為之也。

知甄使掌申天下之冤滯。以達萬人之情狀。立甄之制。一房四面。各以方色。東曰延恩。懷材抱器。希於聞達者投之。南曰招諫。匡正補過。裨於政理者投之。西曰申冤。懷冤負屈。無辜受刑者投之。北曰通元。獻賦作頌。論以大道。及涉於元象者投之。初置有四門。其來後遂小其制度。同為一甄。依方色辨之。其甄出入以未後。

唐六典卷九

大唐六典秘書省卷第十

唐元宗御撰

集賢院學士兵部尚書兼中書令修國史上柱國開國公臣李林甫等奉 敕注上

秘書省

監一人

少監二人

丞一人

秘書郎四人

校書郎八人

正字四人

主事一人

令史四人

書令史九人

典書八人

楷書手八十人

亭長六人

掌固八人

熟紙匠十人

裝潢匠十人

筆匠六人

著作局

著作郎六人

著作佐郎四人

書令史一人

書史二人

校書郎二人

正字二人

楷書手五人

掌固四人

太史局

令二人

丞二人

令史二人

書令史四人

楷書手二人

亭長四人

掌固四人

司曆二人

保章正一人

曆生三十六人

裝書曆生五人

監候五人

天文觀生九十人

靈臺郎二人

天文生六十人

挈壺正二人

司辰十九人

漏刻典事十六人

漏刻博士九人

漏刻生三百六十八

典鐘二百八十八

典鼓一百六十八

秘書省監一人從三品

周禮春官太史掌建邦之六典又小史掌邦國之志定繫

代又外史掌四方之志三皇五帝之書並秘書之任也秦則博士官所職禁入藏書漢氏除挾書之律開獻書之路置寫書之官又命謁者陳農求遺書於天下故文籍往往而出並藏之書府在外則有太常太史博士掌之內則有延閣廣內石渠之藏又御史中丞在殿中掌蘭臺秘書圖籍又未央宮中有麒麟閣天祿閣亦尚書劉向揚雄典校皆在禁中謂之中書猶今言內庫書也後漢則藏之東觀亦禁中也至桓帝延熹二年始置秘書監屬太常掌禁中圖書秘記故曰秘書漢官云秘書監一人秩六百石魏武為魏王置秘書令典尚書奏事即中書之任也兼掌圖書秘記文帝黃初中分秘書立中書因置監令乃以散

騎常侍王象領秘書監撰皇覽魏氏蘭臺亦藏書御史掌焉魏畧薛夏云蘭臺為外臺秘書為內閣是也魏初秘書屬少府及王肅為監以為秘書之職即漢東觀之任安可復屬少府自此之後不復屬焉至晉武又以秘書并入中書惠帝永平九年詔秘書典綜經籍考校古今中書自有職務遠相統攝於事不專宜令復別置秘書寺掌中外三閣圖書自是秘書寺始外置焉晉令云品第五絳朝服銅印墨綬進賢兩梁冠佩水蒼玉宋齊同晉氏梁改為省與尚書中書門下集書為五省秘書監增秩中二千石品第三後制十八班秘書監班第十一陳依梁後魏亦以秘書為五省之數監初從第二品中太和末正第三品北齊依魏後周春官府置外史下大夫掌書籍此秘書監之任也隋秘書與尚書門下內史殿中為五省秘書監正第三品煬帝三年降為從第三品其後又改秘書監為秘書令武德初改為監龍朔二年改為麟臺其監曰蘭臺太史咸亨元年復舊天授初改為麟臺監神龍元年復舊初漢御史中丞掌蘭臺秘書圖籍故歷代置都邑建臺省以秘書與御史為鄰

少監二人從四品上隋煬帝三年置秘書少監一人從四品掌戴秘書監之職其後
又改爲少令皇朝因隋爲少監龍朔三年改爲蘭臺侍郎咸亨元年復舊天授初改爲麟臺少監神龍初復舊至太極初又增一員

丞一人從五品上漢獻帝建安中魏武爲魏王置秘書令及二丞典尚書奏事並中書之任也魏志劉劭建安末自秘書郎轉秘書丞是也魏文黃初中分秘書立中書以秘書左丞劉放爲中書監秘書右丞孫資爲中書令而秘書置丞一人秩四百石魏志云何正文帝時上許都賦帝異之公車徵到爲秘書郎後月餘正文帝問外言本用正爲丞何故爲郎案主者罪遂改爲丞時秘書丞尚未轉遂以正爲右丞晉武并秘書入中書謂之中書秘書丞惠帝又置秘書丞二人晉令秘書丞品第六銅印墨綬進賢一梁冠絳朝服晉書稱桓石綬爲秘書丞啟校四部圖書宋齊並一人品服同晉氏梁增品第五秩六百石銅印黃綬陳依梁後魏秘書丞一人正第五品上北齊因之後周春官府有小外史上士之

職蓋此秘書丞之任也。
隋秘書丞一人正五品

秘書監之職掌邦國經籍圖書之事有二局一曰著作二曰太史皆率其屬而修其職凡四部之書必立三本曰正本副本

貯本以供進內及賜人凡敕賜少監爲之貳焉丞掌

判省事

秘書郎四人從六品上魏武置秘書郎秩四百石魏起居注青龍中議秘書丞郎

職近日月宜居三臺上亞尚書丞郎魏志云王伯與鍾會何正鄭默並起家拜秘書郎中而默在秘書掌中外三閣刪省繁文除其浮穢始制中經時虞松爲中書令謂默曰而今而後朱紫別矣晉令秘書郎中品第六進賢一梁冠絳朝服晉起居注云武帝遣秘書圖書分爲甲乙景丁四部使秘書郎中四人各掌一焉晉書云左太冲爲三都賦自以所見不博求爲秘書郎中宋氏除中字宋書稱王敬宏子恢之召爲

秘書郎敬宏求為奉朝請與恢之書曰且秘書有限故有競朝請無限故無競吾欲使汝處無競之地文帝喜而許之齊書稱王僧虔王慈並早有令譽皆起家拜秘書郎梁秩六百石江左多任貴游年少而梁代尤甚當時諺言上車不落則著作體中何如則秘書陳著令僕射子起家為之後魏亦置四人正第七品上後魏書云高謐天安中以功臣子召入禁中專掌秘閣拜秘書郎奏請廣訪羣書大家繕寫北京圖籍稍以審正北齊又增中字正第七品下隋又除中字正七品上湯帝三年加為從五品皇朝為從第六品上龍朔天授神龍並隨省改復

校書郎八人正九品上

漢武帝命光祿大夫劉向於天祿閣校經傳諸子詩賦步兵校尉任宏校兵書太史令尹咸校數術太醫監李柱國校方術其後揚雄以大夫亦典校於天祿閣斯皆有其任而未置其官至後漢始於東觀置校書郎中續後漢書云馬融安帝時為大將軍鄧騭所召拜校書郎中在東觀十年窮覽典籍上廣成頌又竇章居貧蔬食講讀不輟太僕鄧康重章學行是時學者

稱東觀為老氏藏室道家蓬萊山康薦章入東觀為校書郎中漢御史中丞掌殿中蘭臺秘書圖籍因置蘭臺令史典校其書班固傳毅初並為蘭臺令史王充云通人官蘭臺令史比校書郎中東觀有校書部置校書郎中典其事時通儒達學亦多以他官領之自漢魏歷宋齊梁陳博學之士往往以他官典校秘書至後魏秘書省始置校書郎正第九品上北齊置十三人隋初亦置十二人煬帝三年減為十人其後又增為四十八人皇朝減為八人

正字四人正九品下

掌詳定典籍正其文字前代才學之士多以他官兼其任者齊秘書省有正字蓋是正字之任北齊秘書省始置正字四人從第九品上隋因之皇朝為正第九品下

主事一人從九品上

皇朝置掌印并句檢稽失

令史四人書令史九人

魏甲辰儀秘書令史品第八晉品第九宋品第八齊秘書令史品勳位第六梁陳品第九後魏秘書令史從第九品下北齊正第九品上隋開皇初始降為流外行

置隋秘書令史四人流外二品書令史九人流外三品皇朝因之

典書八人齊職儀云宋孝武大明年開府儀同及三公府皇子府皆有典書吏皇朝秘書省始

置典書其職同流外八考入流焉隋煬帝秘書省置楷書員二十人從

楷書手八十人第九品掌鈔寫御書皇朝所置職同

流外也

亭長六人掌固八人熟紙匠裝潢匠各十人筆匠六

人皇朝所定

秘書郎掌四部之圖籍分庫以藏之以甲乙景丁為

之部目甲部為經其類有十一日易以紀陰陽變化

經籍志歸藏等六十二日書以紀帝王遺範古文尚書等三

十二部二百三十七卷 三日詩以紀興衰誦嘆韓詩等三十九部四百三十三

卷 四日禮以紀文物體制周官等一百三十六部五

日樂以紀聲容律度樂大義等三十三卷 六日春秋以

紀行事褒貶春秋經等三傳九十三卷 七日孝經以紀天

經地義古今孝經等十部六十三卷 八日論語以紀先聖微言論

等并五經異義七十九卷 九日圖緯以紀六經讖候河圖

二部七百八十一卷 十日小學以紀字體聲韻說文等三部 乙部

三部九十二卷 為史其類一十有三 一曰正史以紀紀傳表志史記

十七部三千八十三卷 二曰古史以紀編年繫事紀年等四十四

卷 三日雜史以紀異體雜記周書等七十部 四曰霸

史以紀僞朝國史趙書等二十七部三百三十五卷五日起居注以

紀人君動止穆天子傳等四十一部一千一百八十九卷六日舊事以紀

朝廷政令漢武故事等二百四十四卷七日職官以紀班序品秩

漢官解詁等二十八部三百三十六卷八日儀注以紀吉凶行事漢舊儀

九部二千九百九十九卷九日刑法以紀律令格式律令等三十五部

十日雜傳以紀先賢人物三輔決錄等二百一十一部

十一日地理以紀山川郡國山海經等一百三十九部

十二日譜系以紀氏族繼序世本等四十一部十三

日畧錄以紀史策條目七畧等三十四部景部為子其

類一十有四一日儒家以紀仁義教化晏子等三十三部

十六日道家以紀清淨無為鶡子等四十二部三

日法家以紀刑法典制申子等四部四日名家以紀

循名責實管子等六部五日墨家以紀強本節用墨

等三部七十卷六日從橫家以紀辨說譎詐鬼谷子等六部七日

雜家以紀兼叙眾說尉繚子等九十七部八日農家

以紀播植種藝汜勝之書等五十九卷九日小說家以紀芻

辭輿誦燕丹子等二十五卷十日兵法以紀權謀制變

司馬兵法等一百四十一部十一日天文以紀星辰象緯周

等九十七部十二日曆數以紀推步氣朔四分曆等

六百七十卷十三日五行以紀卜筮占候風角占等二百

百六十卷

三卷

二十四曰醫方以紀藥餌鍼灸黃帝素問等五十卷

丁部為集其類有三一曰楚詞以紀騷人怨刺楚詞等十

部二十二曰別集以紀詞賦雜論荀況集等四百三十九卷

八十三曰總集以紀類分文章文章流別集等一百七部二千二百十三

卷

校書郎正字掌讐校典籍刊正文字字體有五一曰古文廢而不用

二曰大篆惟於石經載之三曰小篆謂印璽施旂碑

表奏及公私皆辨其紕繆以正四庫之圖史焉

著作局著作郎二人從五品上續漢書稱班固傳毅

洛陽令尹敏以長陵令孟輦以司隸校尉並著作東

觀然皆他官兼著作之名而未正其官至魏明帝太

和中置著作郎隸中書省晉惠帝元康二年詔曰著

作舊屬中書而秘書既別典文籍今改中書著作為

秘書著作後又別自名省曰著作省而猶隸祕書晉

魏著作郎一人俗謂之大著作專掌史註亦或為兼

官晉令著作郎都者舊傳武帝善之以為著作郎張載

稱陳壽作益都者舊傳武帝善之以為著作郎張載

轉著作郎世祖以為能除著作郎孫楚自著作佐郎

虞預徐廣以散騎常侍孫綽以給事中伏滔以游擊

將軍孫盛以秘書監並兼領著作又陳郡王隱待詔

著作單衣介幘朝朔望於著作省亦其任也宋齊並

同晉氏宋書云何承天除著作郎撰國史承天已老

諸佐郎並名家年少荀伯子嘲之常呼為好母焉著

作秩六百石品第六陳依梁後魏正第五品上後魏

書崔浩學究精微宋欽好學不倦並為著作郎北齊

二人從五品後周春官府置著作上士二人即其職

也隋秘書省領著作郎曹置著作郎二人從第五品

上煬帝三年增為正五品其後又降為從第五品皇

著作佐郎四人從六品上著作佐郎修國史宋百官春秋云常道鄉公咸熙百

官名有著作佐郎三人晉定員八人哀帝興寧二年

大司馬桓溫表省四人孝武帝寧康元年復置八人

晉令著作佐郎品第六進賢一梁冠絳朝服孝武大

元四年詔秘書監自選著作佐郎令並無監使吏部

選有監復舊焉宋齊並同晉制著作佐郎始到職必

撰名臣傳一人宋氏之初國朝始建未有合撰者此

制遂替矣梁秩四百石品第七陳令僕射子起家為

之品制同梁後魏正第七品上北齊正第七品下後

周春官府置著作中士四人即著作佐郎之任也隋

置八人正第七品上煬帝三年著作二人增品從第

六皇朝置四人龍朔二年改為司文郎咸

亨元年復故開元二十六年減置一人

書令史一人有自晉以來秘書著作皆

校書郎二人正九品上後魏著作省置校書郎史闕其員品北齊著作省置校書

郎二人正第九品上隋及皇朝

因之開元二十六年減置一人

正字二人正九品下

隋著作曹置正字二人

著作郎掌修撰碑誌祝文祭文與佐郎分判局事

太史局令二人從五品下左傳云昔少昊氏以鳥紀

南正重司天北正黎司地唐虞之際羲氏和氏紹重

黎之後掌天地四時之官並太史之任也周官太史

掌建邦之六典正歲年以序事班告朔下邦國左傳

曰天子有日官即太史也漢書百官表太史屬太常

茂陵書稱司馬談為太史令後漢太史令一人秩六

百石掌天時星律祥瑞妖災凡歲將終奏新年歷而

已魏因之晉太史令品第七秩六百石銅印墨綬進

賢一梁冠絳朝服江左高瑩以侍中陳卓以義熙守

吳道欣以殿中侍御史兼領太史宋齊梁陳並同晉

氏後魏北齊亦然後周春官府置太史中大夫一人

掌曆家之法隋秘書省太史曹置太史令二人從七

品上煬帝三年改太史曹為太史監進令階為從五

品皇朝因之改監為局龍朔二年改為秘書閣局令

改為秘閣郎中咸亨元年復舊貞觀元年為渾天監

不隸麟臺其令監署一人加至正第五品上因加副
監及丞主簿府史等員其年又改為渾儀監長安二
年復為太史局還隸麟臺緣監置官及府史等並廢
其監依舊為令置一人景龍二年又改太史局為太
史監令名不改不隸秘書開元二年又改令為監三
年加從第四品下其一員改為少監十四年又改為
局復為太史令
二員隸秘書

丞二人從七品下

司馬彪續漢志云太史丞一人秩二百石魏晉宋齊皆同漢氏梁陳

太史丞三品勳位後魏北齊史失其品第隋太史丞

置二人正第九品上煬帝三年減一人皇朝不置丞

貞觀二年改為渾儀監始置丞二人從第七品上長安二年又省景龍二年復置

令史二人書令史四人

太史不隸秘書即為府史開元十四年復為令史也

太史令掌觀察天文稽定歷數凡日月星辰之變風

雲氣色之異率其屬而占候焉其屬有司曆靈臺郎

挈壺正凡元象器物天文圖書苟非其任不得與焉

觀生不得讀占書所見徵祥災異密封聞奏漏泄有刑

每季錄所見災祥送門

下中書省入起居注歲終總錄封送史館每年預造

來歲曆頒於天下

司曆二人從九品上

漢官儀太史屬員有理曆六人至晉太史令屬員有典曆四人

宋齊梁陳後魏北齊皆有典曆並史闕其員品至隋

改典曆為司曆置二人

從九品下取左傳司曆為名皇朝為從九品上

保章正一人從八品上

周禮春官太史屬有保章氏掌天星以志星辰日月之變

動辨其吉凶自秦漢以來無其職至後周春官府置

太史其屬有保章正一人從九品上皇朝因之長安四

年省曆博士置保章正以當之掌教曆生

曆生三十六人隋氏置掌習曆皇朝因之同流外入考入流

裝書曆生五人皇朝置同曆生

司曆掌國之曆法造曆以頒於四方有戊寅曆武德初東

郡道士傅仁均麟德曆李淳風所造神龍曆中太

史令南宮大衍曆開元十四年嵩山僧一行承制凡

說所造天下測影之處分至表準其詳可載故參考星度稽

驗晷影各有典常南至之影京兆長一丈二尺九寸

春分中影洛城長五尺二寸五分京兆長五尺三寸

四分太原長六尺蔚州長六尺四寸四分半北至之

影京兆表北長一尺四寸二分安南則表南三寸開

元十二年於京麗正院定表樣并審尺寸差太史官

馳驛分往測候

監候五人從九品下魏晉太史令吏員有望候郎二

並監候之任也隋初置監候四人從九品下煬

帝三年增監候為十人皇朝因隋置監候五人

天文觀生五十人隋氏置掌晝夜在靈臺伺候天文

考入流也

靈臺郎二人正八品下掌習知天文周文王受命而

象察氣之妖祥也詩云經始靈臺鄭元曰觀臺而曰

靈者言文王化行似神之精明故以名也春秋傳曰

公既視朝遂登高臺以望而書雲物亦其制也其在

周官則馮相氏世登高臺以掌其事漢則雜候上林

清臺後漢又作靈臺掌候日月氣而屬太史太史有

二丞其一在靈臺漢官云靈臺員吏十三人靈臺侍

詔四十六人魏太史有靈臺二丞主候望頒歷晉宋

齊梁陳太史皆有靈臺丞隋太史置天文博士掌教

習天文氣色皇朝因隋置天文博士二人正八品

下長安四年省天文博士之職置靈臺郎以當之

天文生六十人隋氏置皇朝因之年深者轉補天文觀生

靈臺郎掌觀天文之變而占候之凡二十八宿分爲

十二次寅爲析木燕之分自尾十度至斗十一度卯爲大火宋

之分自氏五度至尾九度辰爲壽星鄭之分自軫十二度至氏四度巳爲

鶉尾楚之分自張十五度至軫十一度午爲鶉火周之分自柳九度至張

十六未爲鶉首秦之分自井十六度至柳八度申爲實沈魏之

分自畢十二度至井十五度酉爲大梁晉之分自胃七度至畢十一度戌爲

降婁魯之分自奎五度至胃六度亥爲娵訾衛之分自危十度至奎四

度子爲元枵齊之分自女八度至危十五度丑爲星紀吳越之

分自斗十二度至女七度所以辨日月之纏次正星辰之分野

凡占天文變異日月薄蝕五星陵犯有石氏甘氏巫

咸三家中外官占凡瑞星妖星瑞氣妖氣有諸家雜

占凡測候晷度則以游儀爲其準

挈壺正二人從八品下掌知漏刻周禮有夏官挈壺氏秋官司瘠氏春官雞人氏

凡三職咸掌其事自漢以後太史掌之皇朝長安四年始置

司辰十九人正九品下掌漏刻事隋置司辰二人從第九品下煬帝改爲司辰師

本屬武侯府大業三年隸於太史局皇朝因之貞觀元年除師字

漏刻典事十六人皇朝置掌司漏刻之節

漏刻博士六人隋置有品秩掌教漏刻生皇朝降爲流外也

漏刻生三百六十人隋置掌習漏刻之節以時唱漏皇朝因之皆中小男爲之轉補

為典鐘

典鼓

典鐘二百八十人

皇朝置掌擊漏鐘

典鼓一百六十人

皇朝置掌擊漏鼓

挈壺正司辰掌知漏刻孔壺為漏浮箭為刻以考中

星昏明之候焉

箭有長短冬至日南為發去極一百一

十五度晝漏四十刻夜漏六十刻夏至日北為斂去

極六十七度晝漏六十刻夜漏四十刻春秋二分發

斂中九日加一刻春分已後減夜益晝九日減一刻

益夜九日加一刻春分已後減夜益晝九日減一刻

二至前後則加減遲用日多二分之間則加減速用

日少凡候夜漏以為更點之節每夜分為五更每更

分為五點更以擊鼓

為節點以擊鐘為節



唐六典卷十

